


## Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras selamat wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehendu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Turang ras senina i bas kekelengen Tuhanta Jesus Kristus, wari enda igelari Minggu Eksaudi si mabai kita ersikap guna ngaloningalo kerehen Kesah Si Badia kenca kita emperingeti Tuhan Jesus nangkih ku Surga. Amin gia IA enggo nangkih ku Surga, labo kita itandingkenNa melumang. Adi erlebuh kita man baNa tetap nge idengkehkenNa pingko-pingkonta. Sabab Jesus enggo erpadan mereken penampat man banta i bas ndalani perbeben geluhta. Erkiteken si e, sipetetap dage kinitekenta i bas erpengarapen man Dibata si setia.

### Erkata Lonceng

*(Perp. Tedis)*

### Rende

**KEE No. 363 : 1, 2, 3**

*(Serayan Kebaktin Bengket Ku Mimbar)*

**Kebaktin Minggu, 17 Mei 2026**  
**Minggu Eksaudi : “Begiken Min O Jahwe”**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	I bas gelar Dibata Bapa si mada kuasa, i bas gelar AnakNa Jesus Kristus si enggo erpadan nampati manusia ras i bas gelar Kesah Si Badia si mpengasup manusia tetap setia erlebuh mindo penampat man baNa. Labo kam Ku tadingken melumang, reh denga nge Aku mulihken ndahi kam. Amin.
P	Amin ..... Amin ..... Amin ..... <span style="float: right;"><i>(iendeken)</i></span>
<b>4</b>	<b>Berita Kerna Perbahanen Ras Sura-Sura Dibata</b> <span style="float: right;"><b>(Invocatio)</b></span>
L	“Tuhu Aku reh i bas Bapa nari, janah enggo reh ku doni enda. Tapi genduari Kutadingken me doni enda; mulihken Aku ndahi Bapa.”” (Johanes 16 : 28).  Erpalasken Kata Dibata enda, sipuji IA arah ende-endenta : <b>KEE No. 311 : 1, 2, 3</b>
<b>5</b>	<b>Kinata Kegeluhen Manusia</b> <span style="float: right;"><i>(Perp. Kundul)</i></span>
L	Mari bengket kita ku bas pertoton, maba kerina kecibal geluhta i bas kita ngaloken padan ras perkuah ateNa, nintalah sekalak-sekalak i bas ukurta : <i>“Ngaku aku o Tuhan, megati aku eraru ate i bas ndalani perbeben geluhku. Megati pe la aku saber i bas nimai penampat si ipadankenNdu. Genduari, salah lepakku enggo kugejap, dosangku pe rusur kuinget. Erdosa kal aku man baNdu, sabab kubahan si jahat i bas mataNdu, janah kinilabujuren kulakoken i bas geluhku. Emaka patut kal min aku i ukumNdu. Mekuah min ateNdu kempak aku. Peridi min aku maka masap kejahatanku, urasi min aku maka masap dosangku, Amin. (Masmur 51).</i> Mari si pindo pengalemi dosa man Dibata arah ende-endenta : <b>KEE No. 436 : 1, 2, 3</b>
<b>6</b>	<b>Berita Pengalemi Dosa</b> <span style="float: right;"><i>(Perp. Tedis)</i></span>
L	Lias ate Dibata la kap ersibar, mbelin kal keleng ateNa man banta.

	<p>Amin enggo pe kita mate i bas dosa, i pegeluhNa kita mulihi radu ras Jesus Kristus. Mbelin kap sura-sura Dibata gelah kita terkelin. Amin.</p> <p>Mari sipuji Tuhan erkiteken dosanta enggo ialemiNa, arah ende- endenta : <b>KEE No. 96 : 1, 2, 3</b></p>
<b>7</b>	<p><b>Kata Dibata</b> <span style="float: right;"><i>(Perp. Kundul)</i></span></p>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab <b>Perbahanen Rasul-rasul 1 : 12 - 14</b>. Mari siogeken secara pegancih. Sibenaken pengogenta .....</p> <p style="text-align: center;"><b><u>Matias ipilih nggantiken Judas Iskariot</u></b></p>
1:12 L	<p>Kenca bage mulih rasul-rasul e i Uruk Seton nari ku Jerusalem. Uruk e dauhna kira-kira sada setengah kilometer i Jerusalem nari.</p>
1:13 P	<p>Kenca seh i Jerusalem, lawes ia ku loteng rumah inganna numpang. Kalak enda e me: Petrus ras Johanes, Jakup ras Andreas, Pilipus ras Tomas, Bartolomeus ras Matius, Jakup anak Alpeus, Simon Pejuang ras Judas anak Jakup.</p>
1:14 L	<p>Tutus atena kerina ras-ras ertoto, ikut pe diberu, bage pe Maria nande Jesus ras senina-senina Jesus.</p>
	<p>Ketuahen kalak si megiken kata Dibata, dingin si makekenca i bas geluhna si teptep wari, Haleluya.</p> <p style="text-align: center;">Ialoi perpulungen alu ngendeken :</p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p>

b	Ertoto guna Khotbah
c	Khotbah : <b>Masmur 31 : 10 - 14.</b> Tema : <b>“Ngarapken Perkuah Ate Tuhan”</b>
d	Ertoto kenca khotbah
<b>8</b>	<b>Pengakun Kiniteken</b> <span style="float: right;"><i>(Perp. Tedis)</i></span>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
<b>9</b>	<b>Persembahen</b> <span style="float: right;"><i>(Perp. Kundul)</i></span>
L	<p>Seh me paksana kita guna ngendesken persembahen man Dibata. Kata Dibata si jadi palas i bas kita nehken persembahen enda e me: <i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa” (Roma 12 : 1a).</i></p> <p>Iher kita pepulung persembahen, ras kita rende i bas : <b>KEE No. 405 : 1, 2, 3</b></p> <p>Pertoton Persembahen ras Syafaat</p>
<b>10</b>	<b>Perpadanen Man Dibata</b> <span style="float: right;"><i>(Perp. Tedis)</i></span>
L	Dibata labo pernah nadingken kam si sada i doni enda. Nggit nge kam ercipek padan Dibata, dengen makekensa jadi gegehndu i bas kegeluhenndu ?

P	Aku erpadan o Tuhan, kupake me gegeh siipadankenNdu. Kuendesken geluhku itegu Kesah Si Badia, gelah ngasup aku erberita kerna kuasa ras kemulianNdu i bas kerina dampar geluhku.
L+P	Amin.
L	Sipeteguhi dage perpadanenta man Dibata, arah ende-endenta : <b>KEE No. 500 : 1, 2</b>
<b>11</b>	<b>Pertoton Tuhan</b>
<b>12</b>	<b>Pengutusen ras Pasu-Pasu Dibata</b>
L	Bengketlah ku bas kegeluhendu si teptep wari, tetapkanlah ukurndu ndalanken Padan Dibata si enggo sibegikendu. Alokenlah pasu-pasu idur Dibata nari : <i>“Ipasu-pasu janah ikawali Dibata kam, siang ayo Dibata ersinasal ibabondu, janah melias ateNa ngenehen kam. Itatap Dibata ku kam, janah malem atena ibahanNa”</i> Amin.
	Ialoi perpulungen alu ngendeken :  A..min  A....min  A .....min
	<b><i>SELAMAT HARI MINGGU/SYALOOM .....</i></b>